

古尊宿語錄卷第二十三

勿十一

黃梅東山五祖演和尚語中

上堂云二月春將半相呼同賞翫寒食近清明
百花開爛熳或上白雲峯或遊赤水畔野
外標墳人路傍酒醉漢半咲半悲啼真誠堪

勿十一

讚嘆人人謂我渺天機子細分明與批判看
看五湖禪客莫輕訶記取今朝者公案

上堂舉趙州問婆子什處去婆子偷趙州箒
去州云或遇趙州又作麼生婆連打兩掌州
便休去師云趙州休去不知衆中作麼生商
量白雲也要露个消息貴要衆人共知婆子

雖行正令一生不了趙州被打兩掌咬斷牙
關婆子可謂去路一身輕似葉趙州高名千古重如山
上堂云僧問雲門如何是一代時教門云對一說師云對一說卷盡五千四十八風花雪月任流傳金剛腦後添生鐵施主請上堂云道吾与漸源往山下弔慰源
拊棺問曰生耶死耶吾云生也不道死也不道源云為什麼不道吾云不道不道回至中路源云和尚須與某甲道若不道即打和尚去也吾云打即任打道即不道源便打至院吾今潛去白雲今日忿氣不甘須要斬者公案遺吾第一不解与身作主第二不能隨機

入俗當初待伊問道生耶死耶但向伊道等
歸院裏向你道當時若着得者語靈利漢一
蹻蹻着大小大道吾和尚也又免得一頓拳
頭有眼底子細看解夏上堂云九旬三
箇月彈指暫然間忙者直然忙閑者直然閑
事事無窮盡千古白雲山 上堂牽雲門
一日普請般柴次乃拋下一片柴云一大歲
教只說者箇師云大小雲門錯下註脚老僧
當時若見向伊道普請處不得狼籍若點捨
得出免你普請乃舉僧問首山如何是佛首
山云新婦騎駢阿家牽大衆莫問新婦阿家
免煩路上波吒遇飯即飯遇茶即茶同門出

入宿壯寃家乃云會即事同一家不會萬別
千差一半喫泥喫土一半食麥食麻或即降
龍伏虎或即撻蜆撈蝦禾山唯解打鼓秘魔
一向躰杖者箇一場戲咲皆因徵咲拈花白
雲隨隊骨董順風撒土撒沙若無者箇腸肚
如何衣錦還家且道還家一句作麼生道本
勿士日榮華人不識十年前是一書生 上堂云
但知喫果子莫管樹曲彙不識曲彙樹爭解
哭果子不過祖師關爭會敵生死如何是祖
師關枯却大案山 上堂舉法眼道議得
橙子周巾有餘雲門道議得橙子天地懸殊
師云這兩人一人過紅一人渡水若點捨得

出許你具正法眼

上堂云望天祈好雪

祥瑞寔難加鵠噪青松上變成白老鵠緊驅牽出薄寒馬金鐙莊成銀錢花苦苦苦箇什麼忽然變成雨乃云昔日先師頌臨濟三頃棒云一拳拳倒黃鶴樓一踢踢翻鵠鵠洲有意氣時添意氣不風流處也風流大衆若到白

雲門下須要衆人助拳上堂舉起拳頭云若喚作拳頭一似不曾行脚若不喚作拳頭對面相謾除此之外也少一拳不得出隊歸上堂云出隊半箇月眼不見鼻孔忘却祖師揮捨得箇骨董且道向什麼處着一分奉釋迦牟尼佛一分奉多寶佛塔謝首座上堂

云弥勒看不見釋迦說不得恁麼尊貴生日用無差忒得不得識不識三德六味味逾多千古萬古為規則上堂僧問如何是燃燈前師云令人疑著李云如何是正然燈師云錯認定盤星李云如何是然燈後師云一場僥倖乃云每月有箇十五無始刮來盡數勿十一

數到彌勒下生未免有甜有苦且道畢竟如何南山白額大蟲元是西山猛虎上堂云日可凍月可熱衆魔不能壞真說大衆作麼生是真說潑狼潑賴若信不及白雲為你道一要衆人會二要龍神知乃拈起法衣云者箇真紅色剛然道是緋上堂云風和

日暖古佛家風柳綠桃紅粗師巴臥眼親手
辨未是惺惺口辨舌端与道轉速從門入者
不是家珍且道畢竟如何相見說事事不來還
憶君乃云四海五湖奇士圍邊無狀村夫只
解拖犁拽耙水草無底鉢盂高懸羊頭賣狗
肉時中那辨精與鹿恁麼續佛壽命誠哉天
地懸殊誰有拔山之力橫身擔荷也無有麼
有麼有即家門富貴無那羣負老盧

上堂舉僧問巴陵鑒和尚如意教意是同是
別鑒云難寒上樹鳴寒下水師云大小巴
陵只道得一半白雲即不然掬水月在手弄
花香滿衣

綻百花品類殊唯有牡丹并芍藥時人一見
便歡娛且道衲僧分上成得什麼邊事拈來
喫罷歸何處透骨馨香付老盧乃奉達
磨問二祖作什麼二祖云請師安心白雲當
時看見好与二十桿何故他人覩見將謂兩
箇說安心法畢竟如何菩薩龍王行雨潤透
身上數重雲上堂云昨日閑閑今
朝靜悄悄子規枝上啼蝶蠻鑽入草好個寒
食天羣負白雲老爲亡僧下火提起火
把云大衆三世諸佛向火爐裏轉大法輪聞
名不如見面今日智悟上座見面不如聞名
上堂舉龐居士問馬大師不與萬法爲侶是

什麼人大師云待汝一口吸盡西江水即向
汝道師云一口吸盡西江水洛陽牡丹新吐
蕊皺土颶塵勿處尋擡頭撞着自家底
勿十一
結夏上堂云聖制已臨時當初夏幽邃之岩
巒蒼翠畢鉢無差澣澣之溪谷清冷曾溪髡
鬚稱衲子安居之地寔吾家禁足之方大故
四

禪閑臣延侍侶扶立宗旨高建法幢上蒼君
親下資含識莫不栴檀林中栴檀林師子王
多師子衆師子衆共躋攀萬象森羅指掌間
大眾灰頭土面從他喫羸得白雲堆裏閒
上堂卓拄杖一下乃舉起云拄杖子敢問你
還說得如來禪麼自云說不得還說得祖師

禪麼自云說不得既說不得白雲今日出自
己意去也出自己意小兒子戲人天衆前討
甚巴鼻邑中外座云白雲相送出山來
滿眼紅塵撥不開莫謂塵中無好事一塵一
剎一樓臺上堂舉馬大師不安院主問
云和尚近日尊位如何大師云日面佛月面

佛師云會麼如不會白雲與你煩出尋覓女
子畫娥眉鸞鏡臺前語似癡自說玉顏難比
並却來架上着羅衣炙若會上堂云六
月三伏天火雲布郊野松間臨水坐解帶同
歡舞魏侶弄荷花賓朋傾玉筍紅塵事繁華
碧洞何瀟洒重會在明年相期莫相忘白雲

曾有約願結青蓮社

上堂云先入白雲

門次過白雲浪吞底粟蒲禪喫底衲米飯君子如到來好好看方便 上堂僧問如何是道師云治平郡學云如何是道中人師云赤心為王學云未審道與道中人相去多少師云名傳天下乃舉僧問南泉如何是道泉

句十一

五

云平常心是道又龐居士問馬大師不与萬法為侶是什麼人大師云待你一口吸盡西江水即向你道師云為復是同是別同則神出鬼沒別則醉後添盃畢竟如何待你念得熟向你道 上堂云釋迦弥勒猶是他奴且道他是誰便下座 上堂云五千四十

八卷教理行果成見祖師門下商量須知一貴一賤貴則珠玉難偕賤則分文太速有人於此辨得白雲與你三十忽有個漢出來道大丈夫賞罰分明不知是那個三十良久云三十年後 上堂云三處移場定是非須心不改在家時呼兄喚弟長如此且作限道老古錐

陳助教入山煎茶上堂云或定

慧相扶堂堂大丈夫吹毛光燦爛佛祖不同途 謝典座上堂云白雲嵌枯老漢要喫無皮酸餡典座取巧安排一任衆人師歎良久云羊羨雖美衆口難調 上堂舉僧問

馬大師離四句絕百非請師直指西來意大

師云我今日夢倦不能為汝說去問取智藏
僧問智藏藏云我今日頭痛不能為你說去
問取海兄僧問海兄海云我到者裏却不會
僧却舉似大師大師云藏頭白海頭黑師云
馬大師無着慚惶處只道得箇藏頭白海頭
黑者僧持一榦牒換得箇不會若也恨以

流星多少人失錢遭罪 上堂云庭開金
菊宿根生素鴈新聞一兩聲昨夜七峯牽老
與千思萬想到天明 冬日上堂云達磨
西來事久多變後代兒孫門風無限攬擾身
心一團麻線白雲今日都通截斷大衆一百
單五近清明上元定是正月半 次日上

堂云一陽生後正嚴寒皎潔蟾蜍挂碧天水
鏡瀑泉声細碎風搖危木影掣拳狂猿抱子
藏深洞羸鶴持鵠逐老仙莫謂可師徒立雪
方知古德用心堅上堂舉德山問龍潭又響
龍潭及乎到来潭又不見龍又不現潭云子
親到龍潭師云龍潭老人可謂騎賊馬趕賊
勿十一

便下座送諸郡化主上堂云荷舉諸禪汎才
能足機剗逢人定有錢見面寧無麥已是吾
家兜久為物外客溫柔一手搢剛硬雙拳搦
牙爪一時全勝南山白額 上堂云一代
時教五千四十八卷空有頓漸豈不是有永
嘉道元無人上無佛大千沙界海中溫一切

聖賢如電拂豈不是無大乘若道是有違他
永嘉若道是無又違釋迦老子作麼生商量
得恰好若知落處朝見釋迦暮參弥勒若也
未明白雲爲你點破道無不是無道有不是
有東望西耶尼而南看北斗上堂云白
雲門前路往復行大步中間有一片方塘俗

諸人爲什麼却蹋不著王提刑入山上堂
云祖師門下如箭中的手解眼觀無得無失
僧問朝蓋臨蓬清風布座學人上來請師決
破師云殘臘一雨即漸迎春學云天垂寶蓋
地布金蓮去也師云未為多在學云多底事
作麼生師云人天衆前不欲造次學云覺海

波瀾增浩渺釋天日月轉光輝師云也不消
得乃舉阿難問迦葉世尊傳金禰外別傳何
物迦葉召阿難阿難應喏迦葉云倒却門前
刹竿著又永嘉道建法幢立宗旨明明佛勑
賈溪是師云迦葉教倒却刹竿永嘉又敎立
宗旨且道倒底是立底是到者裏須是具擇

勿十一

七

法眼始得畢竟如何倒也七縱八橫立也二
三成六七峯閣上共談玄一句一言清耳目
歸新僧堂上堂云十月今朝初一新構雲堂
已畢聖衆已得安居雅麗全勝舊日於中受
用之時凡百互相愛惜願存古佛家風三有
四恩獲益慶懼別有上聞具位題名立石敢

勸遠近諸檀越記取摩訶般若波羅蜜忽有
箇出來道長老不妨好文章乃云咄白雲口
裏道誰敢道不好 提刑入寺上堂云兵
隨印轉將逐符行大權菩薩覆護衆生相頤
者善言誘諭凶頑者枷棒縱橫中間有箇沒
量大漢金鎖玄關留不住聖凡位裏莫能收

若柰何不得佛法無靈驗白雲有箇消息試
說看古人云無邊刹境自他不隔於毫端十
世古今始終不離於當念納須彌於芥中擲
大千於方外變大地爲黃金攬長河爲酥酪
到者裏合作麼生國土動搖迎勢至寶花爛
滿送觀音 端午上堂舉昔有秀才造無鬼

論論就纔放筆有鬼現身研手謂秀才云你
手奈我何白雲當時若見便以手作鵠鳩觜
向伊道谷谷呱 上堂舉肅宗帝問忠國
師百年後所須何物國師云與老僧造箇無
縫塔帝曰請師塔樣國師良久云會麼帝曰
不會國師云吾有弟子耽源却諸此事請詔

問之師云衆中盡道國師良久殊不知懸皴
待撻當時肅宗若是作家君王待伊道教詔
耽源但向道國師國師何必肅宗後詔耽源
源呈頌湘之南潭之北中有黃金克一國無
影樹下合同虹瑠璃殿上無知識師代肅宗
云閑言語雪竇頌道無縫塔見還難澄潭不

許蒼龍盤層落落影團團千古萬古與人看
師云雪竇可使千古傳名老僧祇愛他道澄
潭不許蒼龍盤首尾一時貫串祇如前來一
絡索拈放一邊且道畢竟如何乃云姹女已
歸霄漢去跋郎猶自守空房

上堂舉僧

問雲門如何是超佛越祖之談門云糊餅白

勿一

雲卽不然忽有人問如何是超佛越祖之談
只向伊道驢屎似馬糞又云破草鞋又云靈
龜曳尾且道是同是別試辨看

上堂僧問

如何是極則事師云何須特地乃舉僧請益

瑣瑣清淨必然云何忽生山河大地瑣瑣云

清淨必然云何忽生山河大地其僧有省師

云金屑雖貴落眼成翳

上堂云祖師遺

下一隻履千古萬古播人耳空自肩擔跣足
行何曾踏著自家底

上堂云行者不報來

打鼓曲录木頭上不免將錯就錯叅

上堂云子丑寅卯辰巳午未申酉戌亥終而

復始有狀有愛畢竟如何但管熟念

上堂云遍周沙界幾曾移步深山白雲是何
報土若是真道人家日洗鉢盂兩度

新鞦韆鼓上堂云多載頑皮擊不響新皮繩

動震天雷無滯莫言隨勢去有聲誰謂不平
來何也雙眼聽不聞雙耳覲不見一條平坦

路是誰沒方便

上堂云本末須歸宗

章

單用其語利劙擲虛空大棒打老鼠

上堂舉世尊滅後諸聖弟子於毘鉢岩中結

集法藏阿難既陞座形儀與佛無殊大衆遂
生三疑一疑阿難成佛二疑佛再現身三疑
他方佛化阿難唱云如是我聞衆疑皆息當
時若有個漢出衆云大衆依而行之各自散

勿士九

去免見滿藏琅函攬人腸肚然雖如是猶未
剝絕在何也阿難道如是我聞白雲也道如
是我聞若道當時是重古輕今若道即今是
重今輕古要會麼優曇花不開跡絕無香氣
上堂云六祖能大師是個大癡漢後代鬼孫
多展轉生惑亂子細好思量白雲不看便

乃舉雲門道聞聲悟道見色明心觀世音苦

薩將錢買糊餅放下手元來却是饅頭雲門
好則甚好奇則甚奇要且只說得老婆禪若是
白雲即不然作麼生是聞聲悟道見色明
心遂作杖鼓勢云堋八囉扎上堂云

四五百石麥二三千石稻好個休糧藥裔遂

不得妙上堂舉龍牙云天下名山到日

脚年深辛苦與襪著而今老大不能行手裏
把柄破木杓白雲即不然脚也不能著草鞋
手亦不能把木杓端坐受供養施主常安樂
上堂云達磨西來事今人謾揣量天河爭起
浪月桂不聞香何也見成公案安樂院主修

齊上堂云昨夜得一夢夢見臻公在天宮與帝釋對坐臻問帝釋曰天上有五衰相是否釋云此是佛之所說豈可妄言於是帝釋却問臻云我聞閻浮提有不持戒者是否臻云此是佛之所說豈可妄言良久臻云天官雖樂不是久居遂下十八重地獄乃見閻王居正殿與地藏菩薩耳語臻便出門首見一青衣童鞠躬云東海龍王請伴諸羅漢齊臻遂往赴齊迴得數顆如意珠一時分付諸門人白雲被珠光一燭忽然夢覺以至今朝諸法乳為臻公設齋請白雲陞座大眾且道昨夜夢題適來說底是衆中盡是久參先德禪道

之精若人辨得試出來露箇消息看有麼有麼若無白雲又有箇古話釋迦老子在跋提河側般涅槃了迦葉始至遶金棺而哭於是世尊為現雙趺大眾且道般涅槃時是現雙趺時是乃云止止不須說我法妙難思諸增上慾者聞必不敬信第十一小參云達磨西來不立文字直指人心見性成佛忽有箇出來道長老尋常室中愛問人如何是你心某甲即不會却問長老如何是和尚心老僧即向他道却來者裏持虎鬚什麼心造次說向你他若又問柏樹子話長老作麼生會向伊道我有個方便有甚方便却須先問取首座又問

德山入門便捧作麼生會我聞便向戰臨際
入門便喝作麼生會是什麼破草鞋直饒一
時透過也是七九六十八 中秋上堂云中
秋月中秋月古今盡謂尋常別 別不別皎皎
清光遍大千任從天下紜紜說 學云也是
慣得其便 师云許多時茶飯元來也有人知

也知生處同得受用若也不知遂靠却下座
上堂舉妙湛總持不動尊首楞嚴王世希有
銷我億劫顛倒想不歷僧祇獲法身大眾若
作禪會則謗經若作經會則謗禪若作一團
則罷侗有人跳得出銷萬兩黃金若跳不出
有處着你在 上堂云但知月圓月缺誰知

勿士

十一

月缺月圓忙忙乘舡過水不知過水乘舡百
年三萬六千日等閑老却朱顏各自照鏡看
是什麼面孔 上堂舉僧問洞山如何是善
知識眼山云紙燃無油若問白雲對道無油
不點燈雖然如是也較洞山三千里紙是其
間有個好處有甚好處諸人黑地裏撞着露
岳得亦不在此土西天且道生在什麼處若

柱悟去也不空歲朝上堂云威音王已前也恁麼威音王已後也恁麼三世諸佛也恁麼西天四亡唐土二三也恁麼前年去年也恁麼明年後年更後年外後年也恁麼忽有個出來道和尚和尚自云若不被他喚住便一百年也只恁麼復云元正啓祚萬物咸新去年乞火和煙得今日擔泉帶月歸寥運推移日南長至當軒有直道無人肯駐脚孟春猶寒伏惟首座大衆起居萬福蘇武牧羊海畔累日忻然李陵望漢臺邊終朝哭發落甚處人義只從貧處斷世情偏向富門多上堂僧問如何是本分事師云結舌無言乃

云每日起來拄却臨際棒吹雲門曲應趙州拍擔仰山鉢駁鴻山牛耕白雲田七八年來漸成家活更告諸公每人出一隻手共相扶助唱歸田樂鹿羨淡飯且恁麼過何也但願今年蚕麥熟羅睺羅兒與一文上堂舉南泉云文殊普賢昨夜三更起佛見法見各與二十棒足向二鐵圍山白雲則具大慈悲遂拍手云晏殊室利普賢大士不審不審今後更敢也無自云一度被她傷怕見斷井索上堂云二十五年坐這曲彙木頭上舉古舉今則不無祇是未曾道着第一句衆中莫有具大慈悲者試出來道看也要衆人共知燕

乃平生行脚有麼有麼莫道無急有個出來
却問如何是第一句白雲不免向他道放慈悲
作麼上堂云是法不可示言詞相寂滅這
兩句猶較些子忽遇羚羊掛角時如何直上
勿十一
指云天天久立乃云今日上元之節處處
燈光皎潔不知天意如何瑞雪翻為魯雪貧

十三
窮變作殭蚕烏龜凍成白鱉唯有四海禪流
個個眼中添屑何故不說不說下座請化

主上堂云造化之功祖宗門下作天地發生
之氣春夏秋冬決含靈顛倒之心常樂我淨
若援衲僧用處又且不然變大地為黃金攬
長河為酥酪猶未稱白雲在忽有箇漢出來
道似恁說話只是個貪心不足漢自云道著
參上堂舉達磨大師云誰得吾正宗出來
與汝證明尼捺持云據某見處如慶喜見阿
閻佛國一見更不再見達磨云汝得吾皮道
育云據某見處寔無一法當情磨云汝得吾
肉二祖禮三拜依位而立磨云汝得吾髓師
云當時若見他三人恁麼道各人好與三十
棒只如白雲今日也合哭二十九棒留一棒
與汝諸人其間若有知痛痒者不韋負先聖
亦乃得見白雲其或未知堂裏契粥契飯更
須爛嚼多見是渾圈吞却上堂舉釋迦如
來往忉利天為母說法優填王思佛命匠人

雕梅檀像及至世尊下來像上出迎諸人且
道下來底是出迎底是又教中道如來者無
所從來上無所去莫是法身無來去化身有
來去麼若人於此見得日消萬兩黃金其或
未然草鞋錢教什麼人還上堂云說禪被
禪纏不說却成現若真個不說真個好方便

初十

十三

如馬前相撲似霹靂閃電會即大富貴不會
空對面因齊上堂云不寒不暖喜春遊士
女傾心結預修自覺一生如幻夢始知百歲
類浮沤子規啼處真消息芍藥開時野興幽
此個門風誰會得寺閑白却少年頭上堂
云前迴底今日使不着今日底後次使不着

使不着說不着重遭撲自古至如今誰錯誰
不錯忽有個出來道白雲不是今日錯也自
云錯錯下座師一日持錫達方丈行問僧
還有屬牛人問命麼無對遂云孫臏今日開
鋪並無一人垂顧可惜三尺龍鬚喚作尋常
破布上堂云有一則奇特因緣舉似諸人
歇說又被說礙不說又被不說礙歇舉山河
大地又被山河大地碍從教頭上且安頭直
金不博鑰丈夫意如此快樂百無憂上堂
舉僧問曹山佛未出世時如何山云曹山不
如出世後如何山云不如曹山師云若以世
諦觀之曹山合喫二十棒若以祖道觀之白

雲合突二十棒然難如是棒頭有眼兩人中
一人全肯一人全不肯若人點檢得出許你
具半隻眼上堂云釋迦已滅彌勒未生森
羅萬象推向一邊且作麼生是你諸人常住
法身乃云有功無功莫使腹空 請供頭供
造上堂云白雲今日權將大宋世界作一面
基盤先將東嶽太山南嶽衡山西嶽華山北
嶽恒山中嶽嵩山定却五方次將五臺峨嵋
支提羅浮以為相助左畔則斜飛鴈陣右邊
則虎口雙關遂舉手云且道這一着落在什
麼處若知落處便為敵手若也未然白雲試
通個消息十九條平地爭功勢未休莫教一

着錯敗子卒難收 正旦上堂元正感祚西
天此土萬物咸新解易麒麟應時納祐誠言
不謬孟春猶寒種種多般伏惟首座大眾普
天齊用洎諸知事懷才抱義并諸化主如龍
似虎尊體起居萬福直是如金如玉歲歲三百六十管取粥足飯足 因齋上堂云二月
初十 中春物象鮮盡塵沙界一綱天蓋毒雨洗去
冬雪野火風飄昨夜煙危嶺乍聞猿嘯日長
江時見客乘舟人生幾度逢斯景好是誠心
種福田 端午上堂僧問今朝五月五誰罷
荅芸鼓雖是無事人亦請燒一炷師云急急
如律今進云也待小鬼做箇伎俩師云鐘馗

赫你乃云今日端午節白雲有一道神符也
有些小靈驗不敢隱藏舉似諸人一要今上
皇帝太皇太后聖躬萬歲二要合朝勦相文
武百官州縣家家常居祿位三要萬民樂業
兩順風調有個符使却來報白雲道諸處盡
去徧只為神通小不奈一件事何遂問他是
甚事使云禪和子鼻孔遼天白雲向伊說莫
道你我尚不奈何然雖如是澤廣藏山理能
伏豹畢竟如何一抽三二添四黃牛角向天
八脚垂過臯急急下座上堂舉尼問趙州
如何是蜜蜜意州於尼腕上招一招尼云和
尚猶有這個在州云你僧有這個在師云此

尼若是個人但向他道也放和尚不得乃云
日用事無別憑君為甄別若於言上會知君
打不撤不於言上會心頭似火熱先過趙州
閑剪斷白雲舌不負先聖恩歸堂且憇歇
上堂云若要天下橫行見老和尚打鼓外堂
七十三八十四持拄杖幕口便禁然雖如是
初十一十五

拈却門前上馬臺剪斷五色索方始得安樂
小參僧問德山不答話千古把斷要津白雲
今夜小參未審如何施設師云我不可承嗣
端和尚不得也學云作家宗師天然有在師
云是何言歟進云只者個又為甚人施設師
云你還信得爻麼進云教某甲作麼生信師

云你是會來問不會來問進云某甲却是不會來問師云昨日也恁答一僧來進云今日為甚却干戈相待師云只為買賣不當價進云壓良為賤則得爭柰有諸方在師云大眾看取者一貞禪客進云放過一着師云噓上堂云平生百了斗當底正好突棒且道遇在什麼處打你百了千當上堂云去聖時遙人多懈急逆則生嗔順則生愛且道作麼生是不瞋不愛東海剪刀西番皮袋

你教別人問學云與和尚平出去也師云大遠在乃云五目莫覩其容二聽絕聞其響有功者罰無功者賞拈須弥山秤來二兩忽有個道一方知識為什麼大秤秤人物事自云官不容針私通車馬謝街坊上堂云街坊昨日持一把沙到方丈前一見老僧劈面便撒賴遇老僧先見衫袖一遮並不妨事今朝舉似大眾不敢隱藏何故賞伊膽大下得者個手脚忽有人問白雲為什麼只恁休去不見道老不以筋力為能然雖如是賓主歷然上堂僧問如何是佛師云許多時向什麼處去來乃云達磨未來時冬寒夏熱達磨來後

夜暗晝明諸人若下得一轉平日語突兀聞
醜與醜聞酸若道不得迦葉門前底

上堂云若論此事如人博戲相似忽然贏得
身心歡喜家業昌盛慶陰兒孫不覺輸他自
然迷悶然雖有輸有贏此事還在白雲今日
有條舉條無條舉例不見陸亘大夫與南泉

看變陸次大夫擡起骰子問南泉云恁麼不
恁麼便恁麼信彩去時如何南泉云鬼骨頭
十八大衆此去縣城不遠外人聞得便來捉
賭時又且如何乃云白雲自有道理記得龍
牙道學道先須有悟由還如曾鬪快龍舟雖
然舊閣閑田地一度贏來方始休

上堂云

目犍連雙足越坎大迦葉聆筆起舞畢陵迦
訶罵河神迦留陀夷埋身糞壤此事教中一
一有出處捲道是習氣祇如祖師門下達磨
九年面壁秘魔擎杖禾山打鼓石葦彎弓雪
峯輓越國師水枕歸宗拽石德山入門便棒
驅清入門便喝無業纔有人問便道莫妄想
且道是個什麼衆中還有丈叅先德天下攢
行具頂門上眼底衲僧麼出來為白雲證據
也要暢快平生有麼有麼若無三十年後此
話大行且道畢竟如何未夏火雲歸碧洞清
秋危露滴金盤先師忌辰上堂云去年正當
恁麼時多前年三件事今年正當恁麼時

多去年七件事這十件事數不過者甚多何
也去却七三存一事是去年說是今日急如
箭黑似漆無言童子口吧吧無足仙人揜胷
謹乃云交下座與能表白起喪云本是你
送我今朝我送你生死是尋常推倒又扶起
至墳所復謂衆云今朝正當三月八送殯之

勿士

十七

人且聽說君看陌上桃花紅盡是離人眼中
血上堂云仲春漸暖牡丹生郊外驚驚攢身
黃鸝開眼共賞芳春三盃兩盞惟有白衣一
生擔板 倡頌 投機

山前一片閑田地久手叮寧問祖翁幾度賣
來還自買為憐松竹引清風題東穎西湖

簡太守李秘監脩竹喬松積翠陰綠楊紅
紫福園林到頭須讓西湖水淡靜還如君子

心悼浮渡圓鑑禪師浮渡岩前青瘦柏
叢林聳出標風格夜來寒影落西衢誰唱胡
笳十八拍聞角幽幽寒角發孤城十里

山頭漸杳冥一種是聲無限意有堪聽有不

堪聽嘉隱堂一松一竹一溪雲時有清
風伴月輪窗外泉聲長似雨迥然居者不知
春賦祖花次李提刑韻此花迥與人間
別結果開花當處生要會祖師端的言未萌
天地已先成悼投子青禪師寂住峯頭
雲灑落曹溪水高張浮渡帆直入大江裏運

載既緣終昨夜狂風起丫角女子戴瓊花八十翁翁穿繡履 次韻訶斬倅李朝奉諦當之言不在多文殊不二問維摩趙州眼燎四天
下賴有同參凌行婆 寄高臺本禪師法兄
春山望極幾千重獨凭危欄誰與同夜靜子
規知我意一聲聲在翠微中 寄太平鑒長
老 白雲岩上月太平松下影深夜秋風生
都成一片境 次韻訶甘露顥長老 本自
居山不厭山水聲山色異人間知音若會懷
家意任是危層亦共攀 送仁禪者 秋雲
秋水兩依依塞鴈聲聲度翠微多向洞庭青
草岸楚天空闊不知歸次韻訶高臺師兄每

覽嘉隱篇清風益可愛有時說向人時人都
不會回首望衡岳岳山千里外獨步立斜陽
颺颺聞秋籟徘徊兩澗齊瀉碧垂雙帶長沙
波浪深湍流轉霧霏 訂石秀才 昨夜西
風激怒濤驚翻舊事沒絲毫凭欄唉罷思量
看望斷長天月色高 送朱大卿 但得心
開到處開莫拘城市與漢山是非名利渾如
勿十一
夢正眼觀時一瞬間 痘起 痘來又病皮
黏骨抖擣起來無一物行不成步語声低鼻
孔依前空突兀 寄李元中 寄蓋千張紙
徒煩心手勞人情如太華爭似道情高 山
居 牀是柴棚蓆是茅枕頭葛怛半中凹霜

天索冥人投宿睡到平明手脚交 東顏逾
中一宿成家步孤雲萬里游吾門隨處靜
世路幾時休舉首問明月憑心寄斗牛歸期
何太晚猶尚往他州 捏雲送信禪者作丐
春晴觸石欹高飛皖伯臺前度翠微本自無
心為雨露何曾有意泄天機風雷倚勢聲光

眠萬般存此道一味信前緣試比紅塵裏清
虛直幾錢寄舊三首木落高秋玉露垂窓
前黃菊漸離披白雲片片迎新鴈不是知音
說向誰 寄書未到他先望傳語不來我未
知度日林泉無世慮歛眉偷看白猿兒 梅
花欲謝不謝桃花欲開不開思君共聽猿啼
勿士十九

處一片白雲天外來 送化主三首岩縫透
開雲片片半籠幽石半徑龍爲霖普潤焦枯
後却入煙蘿第一重十九莫論人情與道情大
都物理自分明皖公山下長流水今古滔滔
徹底清 庭無立雪人路有塵埃客傾盡此
時心松間贈行色 示學徒四首學道之人

得者稀是非長短幾時虧若憑言語論高下
恰似從前未悟時 空門有路人皆到到者
方知滋味長心地不生閑草木自然身放白
毫光 一片秋光對草堂籬邊金菊預聞香
蟬聲未息涼風起勝似征人歸故鄉 終日
談玄第一宗枯河道裏覓魚蹤直饒祖佛無
階級須向奇人撲下通 送已德二禪者之
長安緣幹二人同心其義斷古今有此
吾道堪任山之厚重海之淵深白雲留不住
袒佛莫能禁極目少林峭峙傍觀華岳峯岑
分得維摩按指法且彈一曲訪知音 山中
四威儀 山中行携藍採蕨稱幽情牧童唱

罷胡家曲子規枝上一聲聲 山中住萬疊
千重誰伴但縱使知音特地來雲深必定無
尋處 山中坐月夜霜天寒鴈過爐灰撥盡
未成眠報曉靈禽清耳朵 上中臥一片清
光高鑑我但得身心到處閒多年布衲從教
破 次韻酬吳都曹 山家旨趣最幽微路
轉峯回到家者稀一鉢黃菁消永日滿頭白髮
已玄機逸巖瀑布窓前落哭月狂猿嶺上飛
自得平生觀不足那知浮世是蕉非 自述
真贊二首以相取相都成幻妄以真求真轉
見不親見成公案無事不辦百年三萬六千
日翻覆元來是這漢 我真我贊唯已自知

面面相覩有甚了期

古尊宿語錄卷第二十三

未

勿十一

永樂北藏

古尊宿語錄

第一九七冊